

兩當縣志

志事第二

五帝三王之禮義法度其猶楂柎橘柚味相反而皆可于口相反者何順時施宜移風易俗有由然也石室蘭臺之筆述脩矣茲於一邑詳焉太史輜軒而來庶有辭與

建置

禹貢雍梁之交周合梁于雍為雍州地春秋戰國氏羌所居秦置隴西郡又置故道縣屬焉一統志云故道秦漢武帝置武都郡仍故道縣王莽改曰善治後為隗囂所據東漢仍武都郡領縣治三國蜀魏交兵之際魏甘露元年入

兩當縣志

八

於魏晉郡縣皆如漢按舊唐書云鳳川兩當縣漢故道縣地晉改為兩當取水名不知何據

永嘉後陷于氏羗元魏置南岐州今鳳固道郡領梁泉縣

又立兩當郡兩當縣後周改南岐州曰鳳州而廢故道郡

仍兩當縣括地志云鳳州兩當縣本隋改鳳州為河池郡漢故道縣在州西五十里

以縣屬而廢兩當郡唐梁泉兩當皆屬山南西道鳳州河

池郡武德元年析梁泉置黃花縣寶歷元年省兩當如故

五代歸附無常宋乾德元年降鳳州河池郡防禦為團練

仍有梁泉兩當二縣至道元年移兩當治廣鄉鎮即今治

作唐鄉元以鳳州治梁泉別置南鳳州治于河池尋改為

徽州領兩當縣而總屬鞏昌元帥府明洪武十年降徽州

為縣兩當省入後復置徽州仍領兩當而屬于鞏昌府
國朝因之雍正七年升秦州為直隸州降徽州為縣兩當
屬於秦州

官師

秦縣有令有長有相歷代因之唐以兩當為中下縣置令
丞主簿尉各一宋兩當為上縣置縣令簿尉官曰有銀冶
監置丞一元兩當為下縣置達魯花赤一縣尹簿尉各一
典史二明知縣一典史一教諭一訓導二驛丞一 國朝
簡缺知縣一典史一教諭一後訓導一

戶口

兩當縣志

九

乾隆三十二年共計戶三千八百有五口一萬八千七百
八十二丁下丁一千七百二十四分里二豐義里重石里
每里編甲八

田賦

乾隆三十二年共實熟並新墾地六十五頃八十九畝四
分三釐每畝徵糧六升七合九勺共糧四百四十七石二
斗七升九合每石折徵銀一兩五錢九分八厘六毫共折
糧銀七百一十五兩五錢三分五釐五毫均徭銀八十一
兩五錢七分一釐新舊丁銀二百四十五兩三錢三分七
毫每年額徵糧徭丁三項共銀一千四十二兩四錢三分

七釐鹽課銀二十六兩二分六毫四絲雜項銀一十六兩二錢一分九釐一毫

風俗

兩當舊隸武都今屬天水前漢書云天水山多林木民以板為屋故秦師曰在其板屋武都地雜民羌近天水俗頗似之隋書云天水人性直尚儉約勤于稼穡在昔可考也自流寇焚掠幾絕人烟近雖稍稍生聚而深山窮谷零落數家率多浮戶客氏播種于顛崖石澗草木之場非雨暘時若豈能拾顆粒于虎豹之口耶至于喪葬婚嫁服食器用儉約樸陋尚存古風

兩當縣志

物產

穀之屬夏多小麥秋多菽麥蔬宜春菘多春笋菜多核桃藥有山藥百合何首烏草有蘭木有松柏花有梅桂禽有鸚鵡多雉錦雞獸有虎熊多鹿鱗有孩兒魚蟲有蝶貨有黃蠟蜜

祥災

宋元符元年兩當縣麥秀三穗紹興四年金人犯兩當縣紹興四年蒙古兵由兩當縣出魚關明崇禎元年十月漢南賊大梁王從兩當逼畧陽七年三月賊一斗穀老回回等合兵入兩當大肆焚掠八月復入兩當殺知縣卓肩賢

典史李統焚廬舍屠居民九年七月李自成犯徽州過兩
當殺知縣王鼎鉉十年賊小紅娘圍漢中賀人龍由兩當
往救 國朝順治六年地震裂湧黑水窰房崩壓半月始
平七年耕牛疫康熙元年迅雷七日暴雨崩山六年雨雹
大如核積滿山谷三十一年旱疫乾隆五年秋白鶴棲文
廟柏樹